

Visoki predstavnik nametnuo financijske sankcije strankama koje se protive vladavini zakona

Visoki predstavnik, Paddy Ashdown, jučer je donio odluku koja stupa na snagu **odmah** a kojom je određena novčana kazna od pet posto na javna sredstva namijenjena HDZ-u u kantonima šest i osam, zbog činjenice da još uvijek nisu proveli usklađivanje svojih zakona o osnovnom i srednjem obrazovanju sa okvirnim zakonom na državnom nivou koji je donesen prije gotovo godinu dana, i to uz podršku HDZ-a.

Također je odlučio donijeti **uvjetne** kazne protiv HDZ-a u kantonu deset te protiv HDZ, SDA i SBiH u kantonu sedam. U ovim kantonima kazne neće stupiti na snagu do 18. juna, zbog činjenice da su ove stranke u posljedne vrijeme uložile značajne napore na usklađivanju svojih zakona o obrazovanju sa okvirnim zakonom na državnom nivou. Ukoliko u sljedeće dvije sedmice uspješno okončaju proces usklađivanja, stranke u kantonima sedam i deset u potpunosti će izbjegći sankcije. Ukoliko to ne učine, kazne od pet posto će se primjenjivati retroaktivno od 4. juna 2004.

HDZ u kantonu dva **neće** biti kažnjen, zbog toga što je kantonalna skupština jučer usvojila zakone koji su u potpunosti usklađeni.

"Pozdravljam činjenicu da je HDZ kantona dva uskladio svoje zakone sa državnim zakonom," rekao je visoki predstavnik. "Također pozdravljam pomake koji su u tom pravcu nedavno načinjeni u kantonima deset i sedam. Nadam se da će ovi kantoni okončati rad na ovome u sljedeće dvije sedmice i na taj način izbjegći sankcije.

No oni koji nisu učinili nikakav napor da ispoštuju jednoglasno iskazanu volju državnog parlamenta, bez obzira na tvrdnje njihovih stranaka da podržavaju izgradnju države, moraju biti kažnjeni zbog te opstrukcije. Oni tu kaznu plaćaju od jučer, i plaćaće je sve dok svoje zakone ne usklade sa državnim zakonom. Vladavina zakona i ustavna nadređenost državnog parlamenta moraju se poštovati."